

Na osnovu člana 66.st. (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH, broj 35/5, člana 11. Zakona o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije Bosne i Hercegovine“, broj 38/16), a u vezi sa članom 5. stav (2) Zakona o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina („Službene novine Kantona Sarajevo“, broj 17/24), ministrica za nauku, visoko obrazovanje i mlade Kantona Sarajevo, d o n o s i

**PRAVILNIK**  
**o internim procedurama sufinansiranja institucija iz oblasti kulture i obrazovanja čiji je osnivač Bosna i Hercegovina**

**Član 1.**  
**(Predmet)**

Ovim pravilnikom utvrđuju se interne procedure dodjele sredstava Nacionalnoj i univerzitetskoj biblioteci, čiji je osnivač Bosna i Hercegovina, kriteriji za sufinansiranje, kao i procedura izvještavanja o radu, poslovanju i utrošku dodjeljenih finansijskih sredstava.

**Član 2.**  
**(Svrha Pravilnika)**

Svrha ovog pravilnika je da se i putem internih procedura u Ministarstvu za nauku, visoko obrazovanje i mlade Kantona Sarajevo (u daljem tekstu: Ministarstvo) osigura zakonito, transparentno i ekonomično korištenje javnih sredstava.

**Član 3.**  
**(Upotreba rodno osjetljivog jezika)**

Riječi muškog ili ženskog roda upotrijebljene u ovom pravilniku koriste se neutralno i odnose jednako na muški i ženski rod.

**Član 4.**  
**(Korisnik sredstava Ministarstva)**

Korisnik sredstava Ministarstva, u skladu sa članom 2. stav (1) tač. b) Zakona o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina („Službene novine Kantona Sarajevo“, broj 17/24) (u daljem tekstu: Zakon) je:

- 1) Nacionalna i univerzitetska biblioteka Bosne i Hercegovine.

**Član 5.**  
**(Zahtjev za dodjelu sredstava)**

U svrhu dodjele sredstava, institucija iz člana 4. ovog pravilnika dužna je najkasnije do 31. januara tekuće godine dostaviti Ministarstvu zahtjev za dodjelu sredstava sa podacima o broju zaposlenih i iznosu sredstava neophodnih za isplatu naknada i troškova iz člana 5. stav (3) Zakona.

**Član 6.**  
**(Sredstva za sufinansiranje)**

Sufinansiranje institucija iz člana 4. ovog pravilnika vršit će se prema odobrenim i raspoloživim sredstvima u Budžetu Kantona Sarajevo sa pozicije Ministarstva.

## Član 7.

### (Sufinansiranje plata, naknada i troškova)

- (1) Ministarstvo će, u skladu sa raspoloživim sredstvima u Budžetu sufinansirati plate sa pripadajućim doprinosima zaposlenih radnika u institucijama iz člana 4. ovog pravilnika u iznosu najniže plate utvrđene važećim Kolektivnim ugovorom za djelatnost kulture u Kantonu Sarajevo.
- (2) Sufinansiranje ostalih naknada i troškova iz člana 5. stav (3) Zakona Ministarstvo će izvršiti iz raspoloživih sredstava iz Budžeta za tekuću godinu što će se preciznije definisati posebnim ugovorom iz člana 6. stav (3) Zakona.

## Član 8.

### (Korištenja sredstava Ministarstva)

- (1) Institucija iz člana 4. ovog pravilnika je dužna dodijeljena finansijska sredstva utrošiti za namjene utvrđene članom 5. stav (3) Zakona, a u skladu sa članom 7. ovog pravilnika i ugovorom.
- (2) Nakon izvršene isplate plate radnicima, institucija iz člana 4. ovog pravilnika je dužna Ministarstvu dostaviti informaciju o isplati sa relevantnom dokumentacijom i to u roku od 7 dana od dana izvršene isplate.

## Član 9.

### (Ugovor)

Ministrica za nauku, visoko obrazovanje i mlade Kantona Sarajevo će, u skladu sa članom 6. stav (3) Zakona, sa institucijom iz člana 4. ovog pravilnika potpisati ugovor kojim će se definisati međusobna prava i obaveze ugovornih strana te precizirati izvještavanje ministarstva o namjenskom utrošku dodjeljenih finansijskih sredstava.

## Član 10.

### (Stupanje na snagu)

Ovaj Pravilnik stupa na snagu narednog dana od dana objavljivanja na web stranici Ministarstva.

Broj: 27-11-1010/26

Datum: 12.3.2026. godine

